

靈寶領教濟度金書卷之二十四

洞微高士開光教苦真人竇金真授
靈寶通玄弘教水而先生林靈真編

科儀立成品開度
通州

賢命靈橋儀

步虛 洒淨 上香

具位巨甚恭執寶香遙瞻供養

太上无極大道玉清聖境元始天尊上清真

境靈寶天尊太清仙境道德天尊東極青玄

老君太乙救苦天尊三界應感一切真靈恭

望洪慈俯垂鑒映伏以天高地厚化機轉二

氣之輪陽昇陰沈苦報鼓三官之筆誰拯寒

池之溺俾回暖律之吹大德生生至仁蕩蕩

清微演教宏三洞以回骸赤明開圖敷九幽

而度品昭哉玉範至矣金章惟攝召長夜之

科辭尊受度而旌表重泉之信禧列命靈為

彼岸之慈航實窮途之慈燭津梁駕景柱石

凌空今有喬主真崇建其齋開度其人爰念

慈海愛阿易失性天之精粹罪山業壁夙遮

心地之冲和營營荆棘以滋繁逐逐桑榆而

莫返驚心鳥織轉眼駒馳三塗極流淚之悲

五苦轉輪回之感非絲極援曷俾超騰庸法

象於天工盍飯依於帝化朱竿製象垂虹隱

映於霄衢丹練飄飄舞鳳騰凌於天宇普十

華而咸觀巨九壘以俱瞻消多生有碍之愆

洗累劫无名之垢霏烟鬱秀香霧凝華隨梵

響以琳琅舞天花而散漫憑茲妙利用濟无

邊道寂運誠稱揚功德

大聖元始天尊

大聖靈寶天尊

大聖道德天尊

暨橋

伏以善生善死仰金錄之昭昭潛地潛天建

華旛之爽爽上帝垂恩於九夜下愚蒙惠於

一朝碧落初揚目親而水消萬業玄虛高映

心馳而風散千愆絕憲章以前陳部形魂而

直上八紘澤潤六趣清夷法衆運誠恭吟寶

偈

寶旛搖曳太虛中 雲影光浮漾彩虹

上拂三天承湛露 下通九地扇慈風

幽途不夜根塵淨 冥境長春業障空

共慶起凌今有路 十方快觀謝玄功

伏以紫陽啓運敷種種度人之儀墨壘昇神

示燁燁靈幡之式燦華芒而耀日飛縮影以

迎風遙接虎關曲感宸恩之浩蕩掃開軒室

疾除罪簿之周遭十華拭目於法橋六合歸

心於道岸迥超有漏永證無為法衆運誠恭

吟寶偈

靈幡縹緲跨祥雲 飛舞低垂遍剎塵

梵唱玲瓏金磬雅 霏烟紛蕩玉幡新

一竿高掛傳天詔 萬象咸瞻脫地輪

從此宿愆俱解散 慈悲接引出迷津

伏以登真度命九陰希睿澤之垂昭天漏泉

三洞耀華旛之建為仙飛之標準作冲舉之

梯階一刹彰施聳鳳舞鸞翔之影群方利樂

復龍吟虎嘯之根離五苦以證神檄萬神而

稟命聿嚴侍衛不得拘留清衆運誠恭吟寶

偈

靈幡鼓舞徹三清 光照幽闌夜不局

曉日瞳矓翻玉象 天風披拂振金聲

慈航已駕皇恩重 苦海先登滯魄昇

今日提携皆極樂 逍遙劫石邁年齡

伏以拊寒庭而同一視仁泱九圍揚寶範以
拯群迷教遵三洞孰指登天之徑欣逢曳地
之憐感此傍徨似認千年之華表從茲解悟
頓消億劫之簡書即穩步於青霄式遊神於

碧漢靈幡赦罪神呪謹用宣揚

天尊開度 三界十方 四生六道 咸到道場

生神遷魄 萬劫不忘 播之為體 隨風飛揚

風之所被 各從其方 泉曲之府 寒夜之鄉

地獄餓鬼 旁及无執 皆得解脫 上昇天堂

向來建立命靈寶幡功德周圓伏願三世法

身十方應號極六趣脫煩惱之網慧日照融

揭群靈入希夷之門慈雲覆蔭地水化道遙

之境人天登快樂之鄉動植含生飛潛遂性

咸悟虛无之景頓超妙有之機為如上緣志

心稱念三清無上天尊 十方靈寶天尊

九幽拔罪天尊 太乙救苦天尊

和不可思議功德

暨超度儀

步虛 洒淨 上香

具位臣某恭執寶香遙瞻供奉

太上无極大道玉清聖境元始天尊上清真
境靈寶天尊太清仙境通德天尊東極青玄
老君太乙救苦天尊三不應感一切真靈伏
以玉宇開圖總制虛无之氣金真演教羅敷

妙有之機流慧日於八圓扇慈風於十極瓊

科赫赫寶範昭回黃命靈名著九章之典

遷神拔罪號崇五苦之經提幽途妙達於法

橋極寒庭大開於慧徑慈悲接引方便提携

今有齋主某深慮身涉紅塵神遊黑壤業機

自識驚心道岸之未登惡網高張回首昏衢

之風駕三生莫釋九死誰憐非上昭於天光

曷下明於地暗庸按乘騰之妙錄恭揚超度

之靈幡萬日均瞻三靈共仰朱竿直上流虹

隱映於雲端綵練斜飛霏霧翔翔於雲際祥

風鼓動梵氣周回匝花隨夕以飄揚善藥乘

晨而開發以茲旌表用極沈迷法眾運誠讚

揚功德

靈幡赦罪天尊

暨禮

步虛 洒淨 上香

伏以夜景茫茫罪性墮三途之苦朝陽燦燦

晨輝開五道之春惟冀華幡寶提幽爽隨風
斜指翔龍飛躍於玄虛映日低籠舞鳳盤旋
於碧落目觀而千究解悟心注而萬罪清高

蓮座依光形神肆觀鬱林駐景步武高濟懸

登碧簡之名永著青華之錄玄科有頌謹用

讚揚

華幡舞東青 流景飛雲芒 靈風揚玉籟

縹緲躡雲網 俯垂九幽爽 凌霄禮虛皇

琅音詠空洞 歡樂殊未央 和與道合真

伏以三洞光明浩浩建述途之燭九幽冥漠

沈沈翻苦海之濤惟茲華幡寶開暗域影搖

百尺虹霓閃爍以凌空光舞千尋河漢回旋

而徹地一剎高張於梯級萬夜冀削於簡書

殊火陶魂精神玉瑩丹陵鍊質表裏冰清超

三界之危襟脫五行之大數玄科有頌謹用

讚揚

華幡舞南丹 飄飄激十方 帝一回龍駕

嘯命攝吐鄴 七祖胞胎散 飛步躍天綱

玉童生萬神 逍遙萬億長 和與道合真

伏以九疊皈心遙認碧虛之寶利百神受命
共揚紫極之恩綸惟茲華實超澤識輕綃
搖曳神風揚八角之芒溥馭飛浮麗日映九
光之景隱隱鑿真之徑路魏魏駕景之津梁
瑤圖翱翔愆尤霧廓崑臺游宴結節雲消即
穩步於天關永昇神於地域玄科有頌謹用
讚揚

華禧舞西崑 八達朗回旋 香林散神景
幽夜滅魔烟 靈光開五道 神虎徵九玄
宴樂明霞館 瓊律鍊自然 和與道合真
伏以內禁二堂種種是開幽之與泉臺六洞
依依微度命之恩惟茲華禧實開冥路一竿
獨露亭亭風舞於飛梁萬象咸窺赫赫霞衝
於仙珮散天花而焯焯飄飄梵唱以琳琅冰浦
停威獨消障累鄴山稟命部衛形魂永辭報
對之緣早證虛无之妙玄科有頌謹用讚揚
華禧舞社玄 鬱鬱耀玉輝 開明長夜府
九祖振仙儀 惡根一時釋 沐浴映蘭池
遨遊來霄景 長齡天地齊 和與道合真
伏以上帝好生 六艾耀度生之式下民趨死

金科宏濟死之章惟茲華禧實迎爽魄曉風
低拂飄飄駕鶴之飛翔晝日輕龍落落蛟蛇
之鼓舞接群靈而冲舉引十極以超凌正色
蒼蒼駕玄騰景六驛眇眇飛空步虛昇神日
月以無終駕景雲霄而有路玄科有頌謹用
讚揚

華禧舞碧霄 朗朗響靈風 琳琅誦梵唱
真人乘六龍 招提鄴庭河 永離八難中
朝登長樂館 夕憩太微宮 和與道合真
伏以祖氣彌羅於大混化育无私華禧直立
於虛无提攜有賴允表昇天之徑普資出地
之靈六道四生見者消愆滅罪十宮九畧觀
者離苦登真免生死輪轉之機脫水火陰陽
之考徬徨來赴快樂飛昇靈禧赦罪神呪謹
用宣揚

天尊開度 三界十方 四生六道 咸到道場
生神遷魄 萬劫不忘 禧之為體 隨風飛揚
風之所被 各從其方 泉曲之府 寒夜之鄉
地獄餓鬼 旁及无殃 皆得解脫 上昇天堂
向來豎禧起度功德周圍伏願萬範闡張群

方利樂開生門而塞死戶道氣旁周起社府
而上南宮靈光曲被上窮圓蓋下極方輿鱗
介羽毛悉皈依於化日飛潛動植均覆育於
仁風為上因緣志心稱念

三清無上天尊 十方靈寶天尊
九幽拔罪天尊 太乙救苦天尊
和不可思議功德

靈寶領教濟度金書卷之二十四